

ШОЧМО ЙЫЛМЕ ЧОНЫМ ЫРЫКТА

Йылме нерген йодыш каже айдемын илышыштыже ик гана веле огыл пұсын шындалтеш. Сылне да онгай почеламут, поэме, ойлымаш, повесть ден роман мыняр шуко марла возалтыныт. Шочмо йылме руш йылмым тунемаш кумда корным почеш, санденак тудым эн поро, эн йонгыдо мут дене уло кумылын моктена.

Марий учёный ден писатель-влак шочмо йылме нерген моткоч сай шомакым ойлен коденыт. Йылмызе Валериан Кармазин, мутлан, "Түрлө марий түрлын ойла гынат, чыла марийлан йөршеш ик йылме лийшаш", - манын тунукта.

Профессор Николай Пенгитов шке жапыштыже тыге возен: "Марий

йылме - марий калыкын культурыжым ончыкыжат вияндыме пеш күлешан орудий, сандене марий йылмым, тудын законжым, поянлыкшым каже енлан сайын шинчаш күлеш".

А калык поэт Миклай Казаков тидын нерген те-ве кузе ойлен: "Шочмо йылмын вийже, сылнылыкше мемнан аван шөржө дене пырля толыт. Кугу лиймекет, кеч-кушто иле, кеч могай йылме дене ойло, но первый мутым, мурым нигунамат ит мондо, нуно тыйын ильш йолташет лийыт".

Шочмо йылме! Куаным пуышо, кумылым нөлтышө, тўням почын ончыкташ, шинчымашым шараш полшышо шочмо йылме, кө тыйым ок па-

гале, ок йөрате! Кажне енгын шўмыштыжө улат, кажнын чонжым ырыктет.

Шочмо йылме эн ўшанле, эн шергакан ўмыраш йолташ. Чыла йылмат шке шотшо дене мотор, сылне, виян. Мотор мемнан марий йылмынат. Тидым ужын-шижын мошташ гына ит ѳркәне. Да шўм вошт йѳраташ ит мондо. Лудат ма газетым, я книгам, але радиом колыштат, телевизорым ончет - шочмо мут чоным вўчка. Шкенам йыр ончалына гын, ужына: шочмо йылме - патыр шўман чолга пашаче. Ойлыманат огыл, кушто марий-влак илат, тушто марий йылмат пашаче семын тырша.

Ирина ЭШКИНИНА,
Морко рўдѳ книгагудын
пашаенже